

UTIT INI YE UKPEREDEM EDIM

James 4:1-10; 5:1-9

QYQHỌ UKPEP-ŃKPO 451

Eke Mkparawa

IKỌ IBUOT: “Mbufo eme anyan ime ntre ńko; esọńọ mbufo esit; koro eridi Qbọń ke ekpere” (James 5:8).

James, isuń-utom Christ ukem nte Paul, ama ewet ńwed esie ọnọ mme anditiene-Christ ndiduri mmọ utọń ke abańa idiọk-ńkpọ ye mme idomo emi edidide etiene mmọ man akpan mmọ ndibuọt idem ye Jesus. Enye ọkọsọńọ mmọ idem man edu uwem emi enemde Jesus esit, man otodo ke edikotde mmọ esin ke nsinsi uwem, mmọ ekpedu ke ọyọhọ mbeńeidem.

Jesus ke afiak edi man edisio ńwan-ndọ Esie ke ererimbot emi. Ndisana ye ndinen nditọ Abasi ikpọń-ikpọń, emi ekebeńede idem ke uwem emi man eka Heaven, kpa mmọ edidot ndidi ńwan-ndọ. James ama onim ke akpanikọ ke Jesus eyefiak edi, edi ama ọfiọk ete mme ńkpọ-ntibe eyebem iso edu: Akpa Edim spirit ama ebem iso edep, edi Ukperedem Edim ńko enyene ndidep mbemiso Qbọń edi.

Akpa Edim

James ke nditiń mbańa editọńọ ntak ndi Jesus, emen idọk ada odomo. Owo emi ọtọde ńkpọ, idiomke ndidọk ńkpọ oro usọp-usọp, oro edi ndidọk urua efen, mme ndidọk ọfiọń efen. Ke obio emi James okoduńde, ema esitọ ńkpọ ke editọńọ isua, ndien edim eyedep ndinam ńkpọ oro ekọri. Ekekot emi akpa edim.

Ke nditiń mbańa Ufọk-Abasi, akpa edim etiń abańa nte ekeńwańade Edisana Spirit enọ ke Usen Pentecost. Emi akada itie ke ọyọhọ usen 50 tọńọ nte ekekeń Jesus ke krọs. Enye ama eset ke mkpa, ndien ke Enye ama akasańa ke ererimbot emi usen 40, Enye ama ọdọk okoduk ke Heaven. Edi mbemiso Enye ọkpọń, Enye ama etiń ọnọ mbet Esie ete “etie ebet se Ete ọkọńwońọde ndinọ, . . . edi eyenim mbufo baptism ke Edisana Spirit ke usen ifań mibehe kańa” (Utom Mme Apostle 1:4, 5).

Ke usen oro Edisana Spirit ama edi, Peter akada ifet oro anam ańwańa otu owo se ikotibede. Mmọ ema ekop owo 120 oro ekebọde Edisana Spirit nte esemde nsio-nsio usem. Peter eketiń ete ke se ikotibede inọ mmọ ekedi se Joel ekebemde iso etiń ntiń-nnim ikọ abańa ke ini enye ọkọdọhọde ete: “Edara Jehovah Abasi mbufo; koro enye ọnọde mbufo akpa edim nte enende, onyuń anam akpa edim ye akpatre edep ọnọ mbufo, kpa nte eke akpa” (Joel 2:23). Emi ekedi “akpa edim” me ńtọńọ edim. Akpa edim oro aka iso edep ke mme isua oro, ke ini oro ufọk-Abasi ama ọtọńọ. Ema etọ “mkpasip” oro ndien ama edikem ini emi eketiede ebet. Ọtọ-ińwań, Jesus, ama ebet ke anyan ime.

Ukperedem Edim

Mbemiso edọk se eketọde ke Palestine, edim ama esidep emi ekekotde ukperedem edim, emi ekesinam mme ńkpọ emi etọde esọń. Ọtọ-ińwań ekenyene ndibet tutu ukperedem edim emi edep, mbemiso enye ebeńe idem ndidọk mbuńwum esie.

Ukperedem Edim eke spirit ọkọtọńọ ndidep ke ọfiọń April ke isua 1906; ọfiọń April asańa ekekem ye ọfiọń Abib, akpa ọfiọń man asańa ekekem ke ńwed usen ọfiọń mme Jew ke abańa edu-ukpono Abasi mmọ. Ntak ekedi man ebeńe Ufọk-Abasi idem ke abańa editọńọ ntak ndi Jesus. Nnyin idu ke ini Ukperedem Edim, ndien ini idọk ama ekem. Ana nnyin itie ikpeme, ndibet editọńọ ntak ndi Qbọń. Ini edi emi “ikpenyenede iwuk” ke esit nnyin, ikpọfiọkde ọyọhọ-ọyọhọ ke esit nnyin ite ke imedu uwem nte Ikọ Abasi etemedede, man nnyin ikop uyo Obukpọń ke ini Jesus edidide ndida ńwan-ndọ Esie.

Edibighi Eridi Esie

Mme owo emi etiede ebet eridi Jesus ke ini ekededu edu uwem ndinem Enye esit, ekop enyuń enam mme item Esie. Edi ndusuk ke etiń ete “Qbọń ebighi eridi Esie.” Ekeme ndidi ke mmọ iyomke nditiń oro ke ediwak ikọ, edi ke edinam mmọ, mmọ ewut ete mmimọ ikereke ite ke Enye eyewara ndidi.

Jesus ama etiń abańa ndusuk mmọ emi mikoyomke eridi Esie. Enye ọkọdọhọ ete edieke eyen-ufọk oro edidọhọde ke esit esie ete, “Ete mi ebighi edidi” enye idikpemeke aba mme edinam esie. Enye “edinyuń ọtọńọde ndimia ekemọ mme asańautom esie, edinyuń adiaade onyuń ọńwońde ye mbon mmin.” Abasi eyenọ ubierikpe esọk utọ mbon oro. “Ete-ufọk owo oro eyedi ke usen eke enye midorike enyin, ye ke hour eke enye

mifiokke, eyenyuñ amia enye akamba ufen, onyuñ ọnọ enye udeme ye mbon mbubik: do ke eritua eyet ye erita edet eyedu” (Matthew 24:48-51).

Ekeme ndidi ndusuk mme owo emi James ekewetde n̄wed ọnọ ema efre ebaña ikọ editọnọ ntak ndi Jesus, koro ndutime ama odu ke otu mmọ. Enye okobup ete, “ekọn ye eñwan eto mmọn edu ke otu mbufo?” Mmọ ekeñwana eñwan koro mmọ ekedide mbon ibuk. Ekedi enyene usuñ esie oyom, oyom kpukpru n̄kpọ ọnọ idem inyuñ iyomke ndinọ owo efen. Mbet Abasi ọdọhọ ete, “Eda ima nditọ-ete ema kiet eken; esọp ndikpono kiet eken” (N̄wed Mbon Rome 12:10). Eyen Abasi ododomo ukeme ndiñwam mbon efen, iñwanake ndiyom kpukpru n̄kpọ nnọ idem Esie. Abasi ọñwọnọ ndinọ kpukpru se inanade nnyin edieke ibeñede Enye. “Abasi mi eyenọ mbufo kpukpru se inanade mbufo ọyọhọ-ọyọhọ, nte inyene eke Enye enyenede ke ubọn edide ke Christ Jesus” (N̄wed Mbon Philippi 4:19).

Edisin Esit Ke N̄kpọ Owo

Ediwak itie ke Ikọ Abasi akpan nnyin ndisin esit ke n̄kpọ owo. Ndisin esit ke n̄kpọ owo ọwọrọ ndineñere nyom n̄kpọ emi nnyin mikemeke ndinyene, me n̄kpọ emi midotke nnyin ndinyene, me ndiyom n̄kpọ owo efen. Abasi abat edisin esit ke n̄kpọ owo nte ata akamba idiok-n̄kpọ. Etiñ enọ nnyin ete, “Ekukomọ ke ima inyene, enem esit ye se mbufo enyenede; koro Abasi ọdọhọde ete, Ndikpuhu fi, ndinyuñ n̄kpọnke fi” (Mme Hebrew 13:5).

N̄wan-ndọ Christ ama se Jesus, Ebe-ndọ esie amade. Enye oyom mme n̄kpọ emi Ebe-ndọ oyomde ndinọ. Mme owo emi ekpepde ndiyak ofuri uduak mmọ nnọ Ọbọn, ndinyuñ nyuhọ ye mme n̄kpọ emi Enye ọnọde, enyene idaresit emi ọyọhọde ye ubọn. Edi Jesus okobot owo, onyuñ ọfiok mme n̄kpọ emi edinamde enye odu ke inemesit. Oro inyuñ idighe inemesit ererimbot.

Ke Matthew ibuot 5, etiñ ndusuk mme n̄kpọ emi enamde owo odu ke inemesit enọ nnyin. “Ọfọfọn (oro edi inemesit odu) ọnọ mmọ eke ebunede ke spirit.” Nso idi ntak? “Koro Obio Ubọn Heaven enyene mmọ.” Nnyin emi idide nditọ Abasi iyomke uyuhọ ito mme n̄kpọ ererimbot emi, edi isin esit nnyin ke Obio Heaven, “eke enyenede nsọnọ-nda, eke Andibọp ye Andinam Enye edi Abasi” (Mme Hebrew 11:10).

Inemesit odu ọnọ mmọ eke enyenede “ifure-ifure ido: koro mmọ eyeda isọn enyene.” Inemesit odu ọnọ mmọ emi “etuade owo mbom: koro eyetua mmọ mbom.” Ikpe idibiomke mmọ ndika obube ikañ ye mmọ oro edọhọde ete, “Ete mi ebigi edidi.” “Ọfọfọn ọnọ mme anam emem: koro eyekot mmọ nditọ Abasi.” Ntem nnyin imokut ite ke mmọ emi etọhọde utok enyuñ eñwanade eñwan ke otu idem mmọ idighe nditọ Abasi.

Ndise Edem

Ke owo ama ekenyene erinyaña ukpọn, ndien enye ọtọnọ ntak ebine inemesit ererimbot, onyuñ enyene udọn ọnọ ndisime ye idiok-n̄kpọ emi andidiok anyande owut enye, enye akabare edi asua Jesus. Akpana enye ama Jesus akan kpukpru owo ye kpukpru n̄kpọ. Edieke enye oyomde n̄kpọ efen akan Jesus ye utom Jesus, enye inamke akpanikọ inọ Andima enye. “Nte mbufo ifiokke ite, eridi ufan ye ererimbot edi eridi usua ye Abasi? Mmọdo owo ekededi eke oyomde ndidi ufan ye ererimbot anam idem usua ye Abasi” (James 4:4). Asua ikemeke ndidi N̄wan-ndọ Christ. Jesus eketiñ abaña mbet Esie ete, “Mbeñeke nte Afo osio mmọ ke ererimbot efep, edi mmebeñe nte ekpeme mmọ ke idiok esie” (John 17:15). Ntre nnyin imekeme ndiduñ ke idiok ererimbot emi, edi ibuanake ke idiok-n̄kpọ emi odude ke esit. Nditọ Abasi enyene ukpuhọre ye nditọ ererimbot. Idiok-n̄kpọ ererimbot emi inemke mmọ: ufok-mbre, unek, edu edisine-n̄kpọ ererimbot, ọkposọn mmin, ndise ekebe-ndise, ye sika. Edieke mme ndutap Satan emi ọdọnede fi, afo ududighe N̄wan-ndọ Christ.

Satan eyedi edidomo kpukpru nnyin man inam idiok-n̄kpọ, edi nnyin imekeme ndikan enye. “Eñwana ye Satan, ndien enye eyefehe ọkpọn mbufo” (James 4:7). Ana iyak idem nnyin isin ke uduak Abasi man inyene ukeme ndiñwana ye enye: ndien Enye eyenọ mfọn emi iyomde.

Edieke edomode fi ndibuana ke inemesit ererimbot, beñe Ọbọn añwam fi ndikan. Beñe enye owut fi ubọn Heaven, oro edi nsinsi inemesit emi Enye onimde ọnọ fi. Ndien mme n̄kpọ ererimbot emi eyedi ikpikpu ke enyin fo.

Ndisaña N̄kpere

Usuñ ndifiok ke Ọbọn ke ekpere nnyin, edi nnyin ndika mbine Enye. Ke ini nnyin isañade ikpere Enye, enye eyesosọp edisobo ye nnyin. Enye kpukpru ini esisobo ye nnyin mbemiso nnyin isaña isim ufot usuñ. Edi ana nnyin ibemiso itiene Enye. Jesus ikemeke ndinyaña owo ke ini owo oro miyomke erinyaña. Jesus anyan ubok Esie onyuñ ọdọhọ ete, “Etiene Mi.” Enye ke ekpe mme idiok owo ubok ete ekpọn idiok usuñ mmọ mbak mmọ ekuka hell. “Ekabare, ekabare; koro nsinam mbufo ekpekpaña?” (Ezekiel 33:11). Jesus ọdiọnọ nte hell

odiokde, ke mme ikañ oro inimeke ke nsinsi. Owo emi akade hell idinyeneke ifet aba ndibohò. Ke ntak emi Jesus okot, otòhò ntak okot ete “Edi!” “Edi!” “O Abasi, afo usinke edibuñò ye edinuaha esit ke ndek” (Psalm 51:17). Emi edi usuñ ndisaña ntiene Jesus: “Eshòre idem ke iso Qòhò, ndien Enye eyemen mbufo onim ke enyòh” (James 4:10).

Ima Okuk

Ke eyo nnyin emi mme owo ekabare eforo ekan nte ekedide ke usen edem. Kpa ye oro Abasi etiñde ke Ikò Esie ke abaña ndikpama Enye Abasi ñkan mme ñkpò ererimbot, mme owo ekere ete ke inyene eyenam mmimò inyene idaresit. Ntre mmò ekò ediwak inyene ndien ediwak ekut ete ke okuk ikemeke ndinam mmimò idat esit ke ntak oro mmò eyire ekpan, ekpa. Ke mikaibighike, kiet ke otu mme isua emi ebede, owo 17 emi ekenyenede okuk ke mme million ema eyire idem mmò ekpaña ke United States ke America. Ñwed Abasi etiñ ete, “Etim ekpeme idem mbufo ke kpukpru oruk edisin esit ke ñkpò owo koro owo enyene se enyenyene, uwem esie isineke enye ke ubòk” (Luke 12:15).

Usuñ owo ndinyene inemesit edi ndinò, idighe ndimum mfat ubòk, “enò ndien eyenò mbufo” (Luke 6:38). “Ema mme asua mbufo, enyuñ enam ufòn enò mmò, enyuñ ebuòt, ekudori enyin ndifiak mbò; ndien utip mbufo eyekpon: mbufo eyenyuñ edi nditò Andikoñ-ñkan: koro Enye qfònde ido kpa ye mmò eke mikòmke Enye ye mme idiok owo” (Luke 6:35). “Owo eke esiride utòh esie ke eseme ubuene, enye ke idem esie eyefiori, ndien owo eke eyerede ididuhe” (Mme Ñke 21:13). Edinò enò anam mme owo edat esit.

Ke ini usen ubierikpe edikemde, mbon inyene emi mikayakke esit mmò inò Qòhò idinyeneke se etiñde enò Abasi. Abasi idiyomke okuk mmò. Eyedòhò mmò ete: “Da mbufo mbon inyene, etuaña, enyuñ esio mkpò ebaña nditaha eke edisimde mbufo” (James 5:1). Eme (gold) ye sidibe (silver) mmò idinamke mmò ufòn. Se ineñerede idi akpan ñkpò ke uwem mmò mfin, mmò eyetop eduok enò oyot ye emiañ. Ndusuk owo ikpehe qyòhò utip inò mme owo emi enamde utom enò mmò. Qòhò ofiok kpukpru ufik mme owo oro emumde ubak utip utom ekama emi akpanade mmò ekpe okpon akan. Enye eyekpe utip onò ikòt Esie emi ebuòtde idem ye enye, ndien eyeñwaña ubierikpe ofuk mmò emi ekemade idem mmò ekan nte emade mbon efen, ekenyuñ enamde utom man enyene kpukpru ñkpò ke idem mmò ikpòh inyuñ imaha ndinò mmò efen.

“Nditò-ete, ekusuk kiet eken uyo, mbak owo edikpe ikpe ye mbufo; Sese, Ebieren-ikpe ke ada ke enyin usuñ” (James 5:9). Enye ekeme ndidi ini eke Enye amama man edikpe ikpe onò ererimbot. Qkpòfòn nnyin ndidu ke qyòhò mbeñe-idem ndisobo ye Enye ke emem!

MME MBUME

- 1 Ini ewe ke akpa ye ukperedem edim ekedep ke Palestine?
- 2 Eda akpa ye ukperedem edim edomo didie ye ñkpò spirit?
- 3 Qò-iñwañ ekebet nso mbemiso enye odòk ñkpò inwañ esie?
- 4 Mmò emi esidòhòde ete ke Qòhò ebighi ndidi esinam nso?
- 5 Mme anie edi mbon idaresit? Tiñ Matthew ibuot 5:3-11 ke ibuot.
- 6 Ñwed Abasi etiñ nso abaña edisin esit ke ñkpò owo?
- 7 Didie ke nnyin ikeme ndikan idiok-ñkpò?
- 8 Nnyin ikeme nditiene Abasi didie?
- 9 Nso etop ke Abasi otobo mbon inyene ke abaña usen ubieren-ikpe?